



Ruth Heilmann, Siumut
-/Her

Asimi KNR pillugu § 37 naapertorlugu apeqqummut akissut

Asasara Ruth Heilmann

KNR - radiup aallakaatitsisarnera pillugu apeqqutinnut qujanarujussuaq, taakkulu ataani akineqarput:

1. Mellembølgep ammaqinnissaanut Naalakkersuisut suliniutaat sumut killippat?

KNR-ip asimi tusarnaarnissaanut periarfissiiniarluni KNR-ip radiukkut aallakaatitaanik mellembølgekkut assigisaatigulluunniit siaruaasarneq pillugu isummernissamat tunngavissiamik tiguseqarnissamik Naalakkersuisut qinnuiginninnikuupput.

Namminersorlutik Oqartussat TELE-POST-illu aaqqiissutissat pingasut paasivaat: Mellembølgep ammaqinneqarsinnaanera, FM-imik aaqqiineq aamma 3G atorlugu aaqqiineq, tassani sumiiffiit angallattakkanik oqarasuaatinik aamma data-nik atuiiffiusinnaasut annertusineqassallutik.

Aningaasartuutitut siunissamullu qulakkeerinninnermut tunngatillugu 3G aaqqiissutissat pitsaanerpaatut nalilerneqarpoq. Taamaamat aaqqiissutissaq taanna suliaralugu ingerlanneqarpoq. TELE-POST suliniummik soqutigisaqartut suliamut attuumassuteqartut, assersuutigalugu KNAPK aamma Savaatillit Peqatigiit Suleqatigiissut (SPS), peqataatinneqarnissaannut pisussaaffeqarpoq.

2. Qaqugu naatsorsuutigineqarsinnaava sinerissami radiukkut naalaarniarnerup pitsaanerulernissaa minnerpaamillu qangatut mellembølgep atuutilernissaa?

TELE-POST-ip 3G atorlugu aaqqiissutissamat siunnersuut 2014-imi aasakkut piariissavaa. Suliniummik siunnersuut angallattakkanut teknologi 3G atorlugu KNR - radiup aallakaatitsisarneranut pitsaasumik aaqqiissutaasinnaanersoq 2014-imi misileraanissamat pilersaarummik imaqassaaq. Misileraanermut tassunga atatillugu soqutigisaqartut, tassunga ilanngullugu KNAPK, peqataatinneqassapput. Misileraanermi paasissutissaqalerpat 3G atorlugu aaqqiineq nunatsinni sumiiffinni amerlanerni atorneqarsinnaanersoq 2014-imi ukiap ingerlanerani isummerfigineqassaaq.

Mellembølgekkut aallakaatitsivik 3G-mut sanilliullugu sumiiffinni amerlanerungaartuni tusaaneqarsinnaavoq.

28-02-2014
Sags nr. 2014-096038
Dok. nr. 1501679

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl

Innuttaasulli 3G atorlugu aaqqiinnermi sumiiffinni 3G-mik tigooraaviusinnaasuni amerlanerungaartul periarfissat nutaaliaanerusullu atorsinnaalissavaat. 3G atorlugu aaqqiineq mellembølgemik FM-imillu aaqqiinernut sanilliullugu ukuninnga iluaquteqarpoq:

- Innuttaasut oqarasuaatit angallattakkat atorlugit KNR - radiu tusarnaarsinnaassavaat (oqarasuaatilli 3G atorlugu tigooraasinnaasariaqarpoq)
- Sumiiffiit angallattakkanik tigooraaviusinnaasut attaveqatigiittarnissamut periarfissiissapput.
- Innuttaasut radiuaviisi kingullerpaaq, silassaq il. il. tusarnaarsinnaassavaat, taamaalillutillu toqqaannartumik aallakaatitsinerit pisariaqartissanagit.

Inussiarnersumik inuulluaqqusillunga



Steen Lyngø